



Program Teknologi Kejuruteraan (Pengurusan Infrastruktur) bakal diiktiraf antarabangsa

Oleh: DR. NURHIDAYAH AZMY

Panel Penilai Luar dari Purdue Polytechnic Institute, Profesor Dr. Robert F. Cox berpuas hati dan memberikan maklum balas positif terhadap penilaian Program Teknologi Kejuruteraan (Pengurusan Infrastruktur) sempena lawatan beliau di Universiti Malaysia Pahang (UMP) pada 7 Ogos 2015 yang lalu.

Dekan Fakulti Teknologi Kejuruteraan (FTeK), Profesor Dr. Zularisam Abdul Wahid berkata, kunjungan Profesor Cox ini adalah sebagai persiapan fakulti mendapatkan pengiktirafan Accreditation Board for Engineering and Technology (ABET) bagi program teknologi kejuruteraan (Pengurusan Infrastruktur) agar mematuhi standard piawaian antarabangsa.

"Pertemuan itu juga turut membincangkan hal-hal terperinci berkaitan dengan struktur kursus program, kandungan kursus, pengajaran dan pelaksanaan pembelajaran, makmal dan kemudahan, hubungan industri serta kerjasama penyelidikan yang telah dilaksanakan sejak program ini diperkenalkan," katanya.

Dalam pada pertemuan ini juga, Profesor Cox turut memeriksa dokumen dan memberikan komen serta cadangan penambahbaikan bagi memperkemas program yang ditawarkan ini.

Beliau juga berpeluang bertemu dengan Panel Penasihat Industri (IAP), Ahli Institut Jurutera Malaysia (IEM) Pahang dan juga RJA Consultants Sdn. Bhd.

Selain itu, kunjungan beliau kali ini juga berpeluang melawat Jabatan Kerja Raya (JKR) negeri Pahang sebagai agensi kerajaan yang banyak berkaitan dengan program yang ditawarkan ini.

